

bus his imaginib. obnoxius sit. Quòd si Cometæ à stellis vires habent, & his aut illis gētibus minantur, ut istę sunt stellis varijs addictæ, atq; istud cōfortium, et ius cœli cū terris nobis abditum sit, quid isti sibi uelint nescio, nisi ut nimiam suorū doctorum inconsiderantiā apertā reddāt. In Insubria, exēpli causa Mediolanū soli, Comū aut proximiū, lunę cōmendatum erit? Quis terras, et nō terras tantū, sed oppidula & pagos signis ac stellis proprijs donauit et tradidit? Et si Deus id fecit, quis ista unquā ab eo accepit? Et si in singulorū hominū ortu nihil certi habent, quid statuēt indubitatē in urbium et oppidorū origine?

Sed Astrologis in presentia prætermisissis viros longē Cap. V.  
 grauissimos audiamus. Si quis patrē familiās uetustas do Camera-  
 mos demoliētē, & nouas ædificantē pulchriores primis, rius  
 familiā increpantē suā, curantē tamen, ut ne quid uel cibi uel uestiū desit, & filios non rarò cædentē cū peccant aliquid, tamen ad litterarum studia, & uirtutes omnes, ac pietatem instituentem, uocet non bonum, imò crudelē, & cauendum, quo nomine est appellandus?

Si quis agricolam, qui siluam densescere sinat, & iaciat in eam lapides ex agro, & pratis, glabreta, infœcundāq; terrā negligat, interea uineas & agrū colat, uocet imprudentem aut inertem, qualis est homo habendus?

Si quis diem in quo pluuia sit magna, & simul manna decidat, multis locis, infaustum uocet, atque infælicem, quàm erit homo iste prudens censendus?

Camerarius tantinominis uir infælicem esse ait suam ætatem illam, in qua scribebat, cum extitisset Cometa, cum essent alicubi bella, & annonæ caritas, quæ mala nūquā nō alicubi necessariō sunt, & semper fuere, & semper futura sunt: interim scribit in Epilogo hæc uerba, unde summa hominum fælicitas rectē ac meritò continetur, sapientum omnium suffragijs id approbantibus.

*Restitutus est nitor bonarum artium hac nostra etate, & ueritas doctrine patefacta est, aperta sunt itinera sapientiæ atque uirtutis, Cognitionis æterni Dei est nunc incolumitas:*